



Divi Thomae Aqvinatis Doctoris Angelici Opera Omnia

Summa diligentia ad exemplar Romanæ Impreßionis restituta

Complectens Tertiam Partem Summæ Theologiæ. Cum Commentariis
Reuerendiss. D. Thomæ de Vio Caietani Cardinalis S. Sixti, Et Opvscvlis
Eivsdem In tres Tomos distinctis

Thomas <von Aquin, Heiliger>

Venetiis, 1593

5. Vtrum peccatoribus baptizatis sint imponenda opera satisfactoria.

[urn:nbn:de:hbz:466:1-72797](https://nbn-resolving.org/urn:nbn:de:hbz:466:1-72797)

Super Questionis sexagesima octava articulum quintum.

ARTICVLVS V.

Vtrum peccatoribus baptizatis sint imponenda opera satisfactoria.

Sup. q. 49. ar. 3. ad 2. et infra. q. 6. ca. & 2. ad 6. q. 1. a. u. l. q. 1. cor. & 3. dist. 19. ar. 3. q. 2. ad 1. h. q. 4. dist. 6. q. 4. ad 1. q. 1. 20. e. & 4. cont. cap. 58. & com. l. 1. c. 4.

In artic. 5. & 6. hoc solum occurrat suggerentium yur ex deuotione sua peccata confitente ante baptismum non absoluantur: quoniam non sunt capaces sacramenti penitentiae ante baptismum: nec eorum confessio talis, effert sacramentalis, nisi forte per reductionem.

AD QVINTVM sic proceditur.

¶ 1. Vt q. peccatoribus baptizatis, sint opera satisfactoria imponenda. Hoc enim ad iustitiam Dei pertinere uidetur, ut pro quolibet peccato aliquis puniatur, secundum illud Eccl. vii. Cuncta quae fiunt, adducet Deus in iudicium: sed opera satisfactoria imponuntur peccatoribus in poenam praeteritorum peccatorum: ergo uidetur q. peccatoribus baptizatis, sint opera satisfactoria imponenda.

¶ 2. Præter.

Per opera satisfactoria exercitantur peccatores de nouo conuersi ad iustitiam, & subtrahuntur occasiones peccandi: nam satisfacere est peccatorum causas excidere, & peccatis aditum non indulgere: sed hoc maxime est necessarium nuper baptizatis. ergo uidetur q. baptizatis sint opera satisfactoria imponenda.

¶ 3. Præter. Non minus debitum est, ut homo Deo satisfaciatur, quam proximo: sed nuper baptizatis iniungendum est, ut satisfaciant proximis, si eos laeserint. ergo etiam est eis iniungendum, ut Deo satisfaciatur per opera poenitentiae.

Est glo. dist. Amb. in illis locum to. 5.

SED CONTRA est, quod Amb. * super illud Ro. 11. Sine poenitentia sunt dona & uocatio Dei, dicit, Gratia Dei in baptismo non requiritur gemitum neque planctum, uel etiam opus aliquid: sed solum fidem, & omnia gratis condonat.

RESPON. Dicendum, quod sicut Apost. dicit Rom. 6. Quicumq. baptizati sumus in Christo, in morte ipsius baptizati sumus: consepulti enim sumus ei per baptismum in mortem, ita scilicet q. homo per baptismum incorporatur ipsi morti Christi: manifestum est autem ex supradictis, q. mors Christi satisfactoria fuit sufficienter pro peccatis, non solum nostris, sed etiam totius mundi, ut dicitur 1. Jo. 2. & ideo ei, qui baptizatur, pro quibuscumque peccatis, non est aliqua satisfactio imponenda: hoc enim esset iniuriam facere passioni & morti Christi, quasi ipsa non esset sufficiens ad plenariam satisfactionem pro peccatis baptizatorum.

q. 49. & 48.

AD PRIMUM ergo dicendum, q. sicut Aug. ¶ dicit in lib. de baptismo paruulorum, ad hoc baptismus ualet, ut baptizati Christo incorporentur, ut membra eius. unde ipsa poena Christi fuit satisfactoria pro peccatis baptizatorum, sicut & poena unius membri potest esse satisfactoria pro peccato alterius membri. unde IIa. 33. dicitur. vere laguores nostros ipse tulit, & dolores nostros ipse portauit.

lit. de bapt. paruul. c. 26. a med. to. 7.

AD SECUNDVM dicendum, quod nuper baptizati exercitandi sunt ad iustitiam, non per opera penalia, sed per opera facilia, ut quasi quodam lacte facilius exercitii, promoueantur ad perfectiora, ut gl. ¶ dicit super illud Psalm. 130. Sicut ablactatus est super matrem suam: unde & dominus discipulos suos de nouo conuersos, a ieiunio excusauit, ut patet Mar. 9. Et hoc est, quod dicitur 1. Pet. 2. Sicut modo geniti infantes, lac concupiscite, ut in eo crescat in salutem.

Glo. ord. ibi.

AD TERTIVM dicendum quod restituere male ablata proximis, & satisfacere eis de iniuriis illatis est cessare a peccando: quia hoc ipsum, quod est detinere aliena, & proximum lesum non placare, est

peccatum, & ideo peccatoribus baptizatis iniungendum est, quod satisfaciant proximis: sicut & quod desistant a peccato: non est autem eis iniungendum, quod pro peccatis praeteritis aliquam poenam patiantur.

ARTICVLVS VI.

Vtrum peccatores ad baptismum accedentes, teneantur sua peccata confiteri.

AD SEXTVM sic proceditur. Videtur quod peccatores ad baptismum accedentes, teneantur sua peccata confiteri. Dicitur enim Matth. 3. quod baptizabantur multi a Ioanne in Iordane, confitentes peccata sua: sed baptismus Christi est perfectior, q. baptismus Ioannis. ergo uidetur quod multo magis illi, qui sunt baptizandi baptismo Christo debeant sua peccata confiteri.

¶ 2. Præter. Pro uerb. 38. dicitur, Qui abscondit scelerata sua, non dirigetur: qui autem confessus fuerit, & reliquerit ea, misericordiam consequetur. ergo baptizandi debent sua peccata confiteri.

¶ 3. Præter. Poenitentia requiritur ante baptismum, secundum illud Act. 2. Agite poenitentiam, & baptizetur unusquisque uestrum: sed confessio est pars poenitentiae. ergo uidetur, quod confessio peccatorum requiratur ante baptismum.

SED CONTRA est, quod confessio peccatorum debet esse cum fletu: dicit enim August. * in lib. de poenitentia. Omnis ista uarietas consideranda est & deflenda: sed sicut Ambr. ¶ dicit, gratia Dei in baptismo non requiritur gemitum neque planctum, ergo a baptizandis, non est requirenda confessio peccatorum.

RESPON. Dicendum, quod duplex est peccatorum confessio: una quidem interior, quae fit Deo: & talis confessio peccatorum requiritur ante baptismum, ut scilicet homo sua peccata recogitas, de eis doleat, non enim potest inchoare nouam uitam, nisi peniteat eum ueteris uitae. ut dicit Aug. * in lib. de poenitentia: alia uero est confessio peccatorum exterior, quae fit sacerdoti: & talis confessio non requiritur ante baptismum.

Primo quidem, quia talis confessio cum respiciat personam ministrum, pertinet ad poenitentiae sacramentum, quod non requiritur ante baptismum, quia est ianua omnium sacramentorum. Secundo, quia confessio exterior, quae fit sacerdoti, ordinatur ad hoc, quod sacerdos confitentem absoluat a peccatis, & liget ad opera satisfactoria, quae baptizatis non sunt imponenda, ut supra dictum est: nec etiam baptizati indigent remissione peccatorum per clauas ecclesiae, quibus omnia remittuntur per baptismum. Tertio, quia ipsa particularis confessio homini facta, est poenitentia propter uerecundiam confitentis: baptizato autem nulla exterior poena imponitur: & ideo a baptizatis non requiritur specialis confessio peccatorum: sed sufficit generalis, quam faciunt, cum secundum ritum ecclesiae abrenuntiant satanae & omnibus pompis eius: & hoc modo, dicit quaedam glof. * Matth. 3. quod in baptismo Ioannis, exemplum dabatur baptizandis confitendi peccata, & promitti meliora si qui tamen baptizandi, ex deuotione sua peccata confiteri uellent, esset eorum confessio audienda, non ad hoc, quod eis satisfactio imponeretur: sed ad hoc, quod contra peccata consueti eis spiritualis informatio uitae traderetur.

Super